



Estatística

KRIMINAL

Timor-Leste

2025

Instituto Nacional de Estatística de Timor-Leste, I.P.
Ministerio das Financas

 inetl-ip.gov.tl

Estatística

KRIMINAL

Timor-Leste

2025



Eduardo Martinho Ximenes

Diretor, Direção de Estatísticas Sociais e Demográficas

No.Telp: +670 77305099

Instituto Nacional de Estatística de Timor-Leste, I.P.

Rua de Caicoli, Dili, PO Box 10, Timor-Leste

Telefone: +670 331148

Titlu Publikasaun

Estatística Kriminal Timor-Leste 2025

Editor:

Silvino Lopes

Lucrecia de Jesus Sousa

Helder Henriques Mendes

Olivia da Costa Alves Barreto

Jacob da Costa

José AM Borges

INETL, I.P.

Instituto Nacional de Estatística de Timor-Leste, I.P.

Lian Dahuluk

Publikasaun Estatística Kriminal 2025 ida ne'e sai hanesan publikasaun ba dasanulu resin ida ne'ebé Instituto Nacional de Estatística de Timor-Leste (INETL, I.P.) publika ona ho objektivu atu responde ba nesesidade utilizador dados sira nian. Publikasaun ne'e mos apresenta dados konaba area Estatística Kriminal ho series, ne'ebé foin hahu husi 2015. Publikasaun ida ne'e sei fo'o benefisiu ba partes ne'ebé competente atu halo monitorizasaun ba implementasaun, progresu no realizasaun ka atu atinzi programas Dezenvolvimentu, Espesial iha area seguransa no estabilidade kada tinan.

Dados ne'ebé maka apresenta iha publikasaun ida ne'e sai hanesan dados serie ne'ebé nia fontes mai husi instituisaun lima mak hanesan Polisia Nacional Timor-Leste, Ministerio Publico, Tribunal Recurso, Ministerio Justiça, no Polisia Científica Investigação Criminal.

Dados ne'ebé mak mai husi Polisia Nacional Timor-Leste hatudu número kriminal ne'ebé mak akontese iha Timor-Leste laran tomak ne'ebé mak relata ba Polisia no akontesementu kriminal sira ne'ebé kaptura rasik husi Polisia. Dados ne'ebé mak mai husi Ministerio Publico hatudu número akuzadu ba kazu kriminal ne'ebé mak akontese iha Timor-Leste. Dados ne'ebé mak mai husi Tribunal Recurso hatudu número kondenadu tuir tipu krime. Dados ne'ebé mai husi Ministerio Justica hatudu número prizionariu ne'ebé mak mai husi Prizaun Becora , Prizaun Gleno no Prizaun Suai. Dados ne'ebé mak mai husi Polisia Científica Investigação Criminal hatudu número akontesementu kriminal ne'ebé relata ba Polisia Científica Investigação Criminal hodi halo investigasaun tuir tipu krime.

Ikus liu, ami espera katak publikasaun ida ne'e sei fo'o vantajen liu-liu ba parte competente (Policy Maker) nudar hanesan referencia atu halo planu dezenvolvimentu liu-liu iha area seguransa no estabilidade. Ami mos konsente katak publikasaun ida ne'e seidauk perfektu, ho ida ne'e kritikus no sujestaun indispensavel atu melhoria ba publikasaun ida ne'e.

Dili, Setembro 2026



Elias dos Santos Ferreira, L.Ec., MM
Presidente INETL, I.P.

Konteudu

01

Introdusaun

1.1	Kontestu Jeral	1
1.2	Objektivu	2
1.3	Skupu	2

02

Metodologia

2.1	Tipu no Fontes Dadus	3
2.2	Konseitu no Definisaun	4

03

Rezultadu

3.1	Akontesimentu Kriminal	9
3.2	Prosesu Justisa Kriminal	15
3.3	Vítima no Suspeitu	21
3.4	Asidente Trafiku	25
3.5	Rekursu Institusionál ba Justisa no Seguransa	27

Lista Figura

Figura 1	Tipu fontes dados ba estatística kriminal	3
Figura 2	Total krime tuir tinan, 2022-2025	9
Figura 3	Taxa kriminal tuir tinan, 2022-2025	10
Figura 4	Akontesimentu kriminal rejistadu iha PNTL tuir fulan, 2025	10
Figura 5	Númeru Akontesimentu kriminal tuir munisípiu, 2025	11
Figura 6	Taxa kriminal tuir munisípiu, 2025	12
Figura 7	Tipu krime 10 aas liu ne'ebé rejistadu iha PNTL, 2025	13
Figura 8	Númeru vítima tuir munisípiu, 2025	21
Figura 9	Númeru vítima tuir grupu idade, 2025	21
Figura 10	Númeru suspeitu tuir munisípiu, 2025	23
Figura 11	Númeru suspeitu tuir grupu idade, 2025	23
Figura 12	Númeru asidente tráfico tuir fulan, 2025	25
Figura 13	Númeru asidente tráfico tuir munisípiu	25
Figura 14	Númeru asidente tráfico tuir tinan, 2022-2025	26

Lista Tabela

Tabela 1	Tipu krime 10 aas liu ne'ebé rejistadu iha PCIC, 2025	14
Tabela 2	Númeru akontesimentu kriminal ne'ebé mak Ministeriu Públiku eliminadu tuir tipu Krime iha tinan 2023, 2024 no 2025	14
Tabela 3	Númeru kazu krime no kazu Sivil tuir desizaun Tribunal Judicial de Primeira Instância de Dili prosesu tuir fulan, 2025	15
Tabela 4	Númeru kazu krime no kazu Sivil tuir desizaun Tribunal Judicial de Primeira Instância de Baucau prosesu tuir fulan, 2025	16
Tabela 5	Númeru kazu krime no kazu Sivil tuir desizaun Tribunal Judicial de Primeira Instância de Suai prosesu tuir fulan, 2025	17
Tabela 6	Númeru kazu krime no kazu Sivil tuir desizaun Tribunal Judicial de Primeira Instância de Oecusse prosesu tuir fulan, 2025	18
Tabela 7	Númeru prizioneiru tuir tipu krime iha prizaun Becora-Dili, 2025	19
Tabela 8	Númeru prizioneiru tuir tipu krime iha prizaun Gleno-Ermera, 2025	20
Tabela 9	Númeru prizioneiru tuir tipu krime iha prizaun Suai-Covalima, 2025	20
Tabela 10	Númeru vítima ba akontesimentu kriminal tuir grupu idade no tuir munisípiu, 2025	22
Tabela 11	Númeru suspeitu ba akontesimentu kriminal tuir grupu idade no tuir munisípiu, 2025	24
Tabela 12	Númeru asidente ne'ebé rezulta mate, kanek todan no kanek kman tuir fulan no tipu asidente, 2025	26
Tabela 13	Númeru Polisia Nasional tuir kolokasaun no seksu, 2025	27

SUMARIU EZEKUTIVU



Publikasaun Estatística Kriminal 2025 ida ne'e hatudu informasaun ne'ebé jeral kona-ba volume no progresu kriminal ne'ebé mak akontese iha Timor-Leste durante periodu tinan 2025. Informasaun ne'ebé hatu'o iha publikasaun ida ne'e kobre parte rua. Parte primeiru mak informasaun jeral kona-ba Estatística Kriminal, no parte segundu mak informasaun kona-ba vítima no suspeitu iha akontesementu kriminal.

Dadus ne'ebé mak apresenta iha publikasaun ne'e hanesan dadus sekundariu (*administrative based data*) ne'ebé nia fonte mai husi instituisaun lima mak hanesan Polisia Nacional Timor-Leste, Ministerio Publico, Tribunal Recurso, Ministerio Justiça, no Polisia Cientifica Investigação Criminal.

Dadus ne'ebé Polisia Nacional Timor-Leste – PNTL fornese representa akontesimentu kriminal sira ne'ebé rejista iha território Timor-Leste, tantu kazu ne'ebé comunidade relata ba polísia, nune'e mós kazu ne'ebé PNTL deteta diretamente durante hala'o nia atividade operasionál.

5,843

Akontesimentu Kriminal

▼ 6.6% husi 2024

Durante tinan 2025, Polisia Nasionál Timor-Leste (PNTL) rejista akontesimentu kriminal hamutuk 5,843. Númeru ida ne'e hatudu diminuisaun 6.6% kompara ho tinan 2024. Munisípiu Dili rejista akontesimentu kriminal barak liu, ho kontribuisaun 50.3% husi total akontesimentu kriminal rejistadu iha nasaun tomak. Tipu akontesimentu kriminal ne'ebé rejista barak liu mak "Ofensa ba Integridade Fízika Simples" no "Maus-Tratus ba Kónjuje". Tipu krime rua ne'e, hamutuk, kontribui 55.0% husi total akontesimentu kriminal rejistadu durante tinan 2025.

2,371

Vítima

PNTL rejista iha tinan 2025

Durante tinan 2025, Polisia Nasionál Timor-Leste (PNTL) rejista vítima hamutuk 2,371 ema. Husi total vítima ne'e, 17.6% rejista iha Munisípiu Dili no 16.8% iha Munisípiu Baucau. Munisípiu rua ne'e rejista númeru vítima aas liu kompara ho munisípiu sira seluk. Vítima barak liu mak husi grupu idade 20–39 tinan, ne'ebé kontribui 50.4% husi total vítima ne'ebé PNTL rejista durante tinan 2025.

413

Taxa Kriminal

Kada 100,000 Populasaun

Iha tinan 2025, taxa kriminal atinji 413 krime ba kada 100,000 populasaun iha Timor-Leste. Ida-ne'e signifika katak PNTL rejista aproximadamente kazu krime 413 ba kada ema 100,000.



Introdusaun

1.1 Kontestu Jeral



Nesesidade baziku ema ida-idak nian kompostu husi neseseidade biolojiku no sosial, neseseidade biolojiku mak hanesan han, hemu no toba, no neseseidade sosial nian mak seguransa no papel sosial. Bazeia ba teoria matenek nain (know les) dehan katak seguransa sai hanesan neseseidade ida ne'ebé mak importante atu nune'e ema sente seguru no livre atu halo nia atividade ho sistematika.

Iha konstituisaun Republika Demokratika Timor-Leste (RDTL) kapitulu II artigu 10 aliña ida hateten katak “ema hotu-hotu iha Direitu ba Liberdade, seguransa no Intergridade ba nia an rasik”. Tamba ida ne'e Governu iha dever atu fo seguransa ba ema hotu-hotu ne'ebé maka moris iha Nasaun Demokratika ida ne'e.

Seguransa sai hanesan variabel ne'ebé maka iha nia kontestu luan tamba kompostu husi aspeitu no dimensaun, ne'ebé mak hahu husi dimensaun politika, seguransa, estabilidade, sosial no ekonomia. Bazeia ba ida ne'e, Estatística no indikator ne'ebé mak uza atu sukat seguransa ema ida-idak nian mak hanesan número total kriminalidade no número total ema ne'ebé maka risku atu hetan krime ruma. Wainhira número total krime ne'e sa'e hatudu katak número kriminal akontesimentu mos bo'ot iha povu nia le'et ne'ebé mak hatudu povu la sente seguru iha sira nia moris.

Esforus ne'ebé mak halo atu asegura no atende seguransa ne'ebé mak seguru ba povu sai hanesan espasu ida mak stratejiku ne'ebé mak fo influencia bo'ot ba susesu Dezenvolvimentu Nasional. Ho seguransa ne'ebé maka atendidu iha povu sei fo'o atmosfera ka kondisaun ne'ebé mak kondisivu hodi halo atividade ekonomia.

1.2 Objektivu

Publikasaun Estatística Kriminal ida ne'e hanesan publikasaun ba dasanulu resin ida ho intensaun atu atende nesesidade ba utilizador dados Estatística Kriminal nian ho serie no kontinualidade. Ho dados ne'ebé mak disponivel sei fo vantajen diak no sai hanesan padraun ida hodi elabora planu dezvoltimentu sektoral iha aspetu seguransa ho estabilidade povu nian no halo planu Dezenvolvimentu Nasional hodi apoiu prosperidade (bem-estar) global.

Jeralmente, objektivu husi hakerek publikasaun ida ne'e maka atu hetan figura makro ida kona-ba situasaun no kondisaun estabilidade povu agora daudaun no progresu durante tinan 2025 nia laran. Especialmente, publikasaun ida ne'e mos diriji atu hetan figura ne'ebé mak kompletu kona-ba karakteristikak akontesimentu kriminal ne'ebé akontese iha Timor-Leste.

1.3 Skopu

Publikasaun ida ne'e apresenta akontesimentu kriminal, suspeitu no vítima kriminal ne'ebé mak akontese iha Timor-Leste, iha nivel Munisípiu no Nasional. Dados ne'ebé mak nia fontes mai husi PNTL apresenta tuir Munisípiu no mos Nasional.

Bazeia ba dados ne'ebé mak disponivel, globalmente Estatística no indikator kona-ba akontesimentu asaun kriminal, suspeitu no vítima kriminal apresenta iha Tinan 2025 ne'ebé mak sai hanesan Tinan dalasanulu resin ida ba Publikasaun Kriminal nian.



2

Metodolojia

2.1 Tipu Fontes Dados



Dados sira ne'ebé mak apresenta iha publikasaun ida ne'e iha tipu 5 (lima) no mai husi fontes ne'ebé mak lahanesan, hanesan tuir mai ne'e:

1. Dados ne'ebé mai husi **PNTL** mak número kriminal ne'ebé mak akontese iha Timor-Leste laran tomak ne'ebé mak relata ba Polisia no kaptura rasik husi Polisia.
2. Dados ne'ebé mai husi **Ministériu Publiku** mak número akuzadu ba kazu kriminal ne'ebé mak akontese iha Timor-Leste laran tomak.
3. Dados ne'ebé mak mai husi **PCIC** hatudu número akontesimentu kriminal ne'ebé relata ba PCIC hodi halo investigasaun tuir tipu krime.
4. Dados ne'ebé mai husi **Ministériu Justisa** mak número prizonariu ne'ebé mak mai husi Prizaun Becora, Prizaun Suai no Prizaun Gleno tuir tipu krime.
5. Dados ne'ebé mai husi **Tribunal Rekursu** mak número kondenadu tuir tipu krime no seluk tan relasiona ho kondenadu.

Figura 1. Tipu Fontes Dados ba Estatística Kriminal



2.2 Konseitu no Definisaun

Bazeia ba tipu dadus ne'ebé uza atu kria publikasaun ida-ne'e no fonte dadus atu hetan dadus ne'e no definisaun variavel ka karakteristiku ne'ebé uza iha publikasaun ne'e refere mós ba akordu no definisaun mundiál no konsentrasaun ne'ebé ICCS foti iha publikasaun nee (*International Classification of Crime for Statistical Purposes*).

2.2.1. Konseptu no Definisaun Krime Bazeia ba ICCS

Krime signifika katak ema ka grupu nia hahalok kontra no viola lei. Asaun kriminál ida-idak iha suspeitu, instituisaun no kooperasaun ne'ebé tenke responsavel ba krime ne'ebé nia komete.

Defenisaun Variabel - Variabel Kriminal Bazeia ba ICCS ne'ebé Nia Fontes husi PNTL.

1. Omisidiu Dolozu

Signifika katak morte/mate ilegal ne'ebé mak ema ida ho planu/intensaun halo ba ema seluk. Dadus kona-ba omisidiu dolozu tenki inklui mos agresaun grave ne'ebé mak rezulta iha mate, no mate nu'udar rezultadu husi ataka terrorismu nian. Ida ne'e tenke eksklui tentativa omisidiu, omisidiu involuntariu, mate tamba konfliktu armadu ruma.

2. Assaltu

Signifika katak atake fizika hasoru ema seluk ida nia isin, hodi rezulta iha lezaun korporal grave, eksklui agresaun seksual/indesensia, ameasa no basa/tuku. 'Assaltu ne'ebé halo mate mos tenki eksklui.

3. Violensia Seksual no Total Violensia Seksual

Signifika katak violasaun seksual no agrasaun seksual, inklui ofensa/krime seksual hasoru labarik sira. Violasaun seksual signifika katak relasaun seksual sein konsentimentu validu

4. Agresaun Seksual Hasoru Labarik Sira

Signifika katak krime ho natureza seksual ne'ebé mak kometidu hasoru labarik sira (tuir idade definidu iha seksaun "Metadata" iha kraik). Krime sira ne'e tenki inklui krime pornografia infantil, rekruta/sosa labarik ba prostituisaun, estupro ema nian ho idade ki'ik atu fo konsentimentu, no krime sira seluk relasionadu ho esplorasaun seksual menor (labarik ki'ik) nian.

5. Na'ok/Foti

Ita foti ka na'ok signifika katak foti ema ka organizaun ida nia sasan/propriedade sein forsa, ho intensaun atu hela ho sasan ne'e ba nia. "Foti/Na'ok" eskloi Assaltu, tama iha ema nia uma, na'ok no foti ema nian motor ka kareta, ne'ebé sei rejistadu ketak-ketak

"Na'ok veículo signifika katak foti/hasai motor ka kareta sein konsentimentu motor ka kareta nia nain nian. "veículo" inklui veículo terrestre hotu-hotu ho motor ida ne'ebé mak halai iha estrada, inklui kareta, motor, bus (autocarro/Bus), kamioneta, no veículo agrikola sira.

"Kareta Privadu" signifika katak veículo sira, eskloi motor, veículo komersial, bus (autocarro/Bus), kamioneta, veículo konstrusaun no agrikola sira. "Assaltu" signifika katak hetan asesu la autorizadu ba iha parte edifisiu/uma ida nian ka instalasaun sira seluk, inklui liu husi uza forsa, ho intensaun atu na'ok sasan (arombamentu no invasão).

“Assaltu” tenki inklui, bain hira bele, na’ok husi uma, husi apartamentu ka fatin rezidensia ruma, fabrika, ka eskritoriu, husi esbelesimentu militar ida, ka liu husi uza xave falsu sira. Nia tenki esklui na’ok bele mos husi kareta, bele mos husi kontentor, bele mos husi makina venda automatika, mediator estasionamentu ne mos bele na’ok iha lutu kintal/compound. “Assaltu/arombamentu domestiku” signifika katak assaltu uma, apartamentu, ka fatin rezidensia seluk ruma.

6. Sekestru

Signifika katak subar ema sira ilegal, ne’ebé kontra sira nian hakarak no vontade (inklui liu husi uza forsa, ameasa, fraude ka sedusaun) ho objektivu atu ezije atu husu benefisiu ilisitu ruma ba sira nian libertasaun, ka atu hetan kualker lukru ekonomiku ka benefisiu material ruma, ka atu obriga ema ruma atu halo ka atu lalika halo buat ruma. “Sekestru” esklui disputa konaba guarda ka custodia labarik nian.

7. Rapto Menor/Sequesto Labarik kiik

Rapto menor/Sequesto Labarik kiik signifika katak inan ka aman, membru familia ruma, guarda legal ka ema seluk ruma ne’ebé laiha custodia eskluzive ba labarik ne’e, hase’es tiha ilegalmente, subar no okulta tiha labarik menor ida husi sira nia responsavel ka custodia legal ka inan ka aman sira. “Rapto menor/Sequesto labarik kiik” tipikamente envolve disputa konaba custodia labarik nian no esklui kazu sira sekestru no adopsaun ilegal nian.

Defenisaun Variabel – Variabel Kriminal bazeia ba ICCS ne’ebé nia Fontes husi Tribunal Rekursu.

1. Juiz ka Majistradu Profesional

Signifika katak ofisial sira ne’ebé iha tempu parsial ka tempu integral to iha 31 Dezembru, sai autorizadu atu rona (Julga) kazu sivil, kriminal ka kazu sira seluk, inklui iha Tribunal Rekursu, no halo dispozisaun iha Tribunal de Direito ida. Favor inklui mos juiz no majistradu asociadu sira ne’ebé mak autoriza

2. Ema Kondenadu

Signifika katak ema sira ne’ebé mak konsideradu kulpadu (sala duni) husi orgaun juridiku ruma ne’ebé autorizadu atu pronunsia kondenasau ida tuir lei kriminal nasional, maske ikus mai kondenasau konfirma duni ka la’e. Total ema sira ne’ebé mak condenadu tenki mos inklui ema sira ne’ebé mak condenadu tamba violasaun grave lei espesial sira nian, maibe esklui ema sira ne’ebé mak condenadu tamba ofensa tráfico ki’ik-oan ka (krime no delitu) ki’ik sira seluk.

3. Ema (Absolvidu/hetan livre) Sira

Signifika katak ema sira ne’ebé mak konsideradu la kulpadu (la sala) tamba krime ruma husi orgaun juridiku autorizadu, tu’ir lei kriminal nasional, maske ikus mai absolvisaun ka livre ne’e sai konfirmadu ka la’e, iha nivel nasional. Total ema sira ne’ebé (absolvidu/hetan livre) tenki mos inklui ema sira ne’ebé mak absolvidu husi violasaun grave lei espesial nian, maibe esklui ema sira ne’ebé absolvidu tamba ofensa tráfico ki’ik-oan ka krime/delitu ki’ik sira seluk

4. Pena Prizaun

Signifika katak sentensa ida ne'ebé mak fo sai husi autoridade kompetente ida, ne'ebé implika privazaun (hamate Liberdade) (ex, hatama iha kualker forma detensaun ka prizaun iha estabesimentu privadu ka publiku ruma, iha ne'ebé ema ne'e sei la autorizadu, ho ordem husi autoridade kompetente nian, atu sai tu'ir ninia hakarak).

5. Sentensa la Privativa (hamate) Liberdade Nian

Signifika katak sentensa ida ne'ebé fo sai (hasai lia fuan) husi autoridade kompetente ida katak, sei la implika privazaun liberdade nian (ex. la hatama iha kualker forma detensaun ka privazaun nian iha estabesimentu publiku ka privadu ruma, iha ne'ebé ema ne'e sei la autorizadu, ho orden husi kualker autoridade kompetente, atu sai tu'ir ninia hakarak).

6. Sidadaun Estranjeiru

Signifika katak, ema ne'ebé mak laiha sidadania iha nasaun ida.

Defenisaun Variabel - Variabel Kriminal bazeia ba ICCS ne'ebé nia Fonte husi Ministériu Publiku.

1. Ema Akuzadu

Signifika katak arguido nain sira hasoru ida ne'ebé asaun penal hahu iha tinan relatoriu nia laran. Ema sira ne'ebé bele akuzadu/prosesadu husi Ministériu Publiku ka ajensia polisia ne'ebé mak responsabiliza ba akuzasaun (asaun penal) ne'e, iha nivel nasional, independente husi desizaun ida final kazu nian.

2. Kazu Kriminal Foun ne'ebé mak Ministériu Publiku Simu

Kazu kriminal foun ne'ebé mak Ministériu Publiku simu refere ba kazu kriminal sira ne'ebé mak entrega ba autoridade judisiál kompetente sira iha tinan referensia hodi halo julgamentu. Kazu kriminal sira ne'e bele relata ba autoridade judisiál sira liu husi Polisia, Alfandega, autoridade fiskal sira no autoridade laos Polisial sira. Kazu sira ne'ebé mak ho lakon, kondisau eliminasaun ka remata ho problema kazu ida nian, husi polisia antes to iha autoridade judisial sira, tenki sai no eskluidu.

3. Kazu Kriminal sira ne'ebé La-Kontinua

Kazu kriminal sira ne'ebé la-kontinua refere ba kazu kriminal sira ne'ebé mak rejeita no remata iha faze pre-julgamentu liu husi Ministériu Publiku ka Juiz investigasaun sein akuzasaun formal ida atu lori ba tribunal, tamba la konsege estabelese ofenda/kريمة ne'e, ka utiliza poder discricionário Ministériu Publiku nian, ka situasaun juridika espesifika seluk ruma, inklui kazu sira (bainhira aplikavel) iha ne'ebé suspeitu ka kontra la konsege halo identifikasaun. Esklui kazu kriminal sira ne'ebé mak konkluidu liu husi pena ida husi Ministériu Publiku

4. Kazu Kriminal sira ne'ebé Konkluidu/Remata ho Pena Ida Bainhira Aplikavel

Kazu kriminal sira ne'ebé konkluidu/remata ho pena ida bain hira aplikavel refere ba kazu kriminal sira ne'ebé mak lori ba konkluzau iha faze pre-julgamentu husi Ministériu Publiku, liu husi medida kastigo impoin ka negosiasaun ida (hanesan 'orden penal' formal ka anulasaun kondisional sein Desizaun formal ida) iha ne'ebé la lori akuzasaun formal ba tribunal, inklui tranzasaun penal sira. Esklui kazu kriminal sira ne'ebé la continua

5. Kazu Kriminal sira ne'ebé mak Julgadu iha Tribunal

Kazu kriminal sira ne'ebé mak julgadu iha Tribunal refere ba kazu juridiku sira ne'ebé mak iha akuzasaun kriminal formal ida hasoru arguido kriminal ka suspeitu ida, hodi lori ba julgamentu iha Tribunal

6. Tribunal Primeira Instancia

Tribunal primeira instancia refere ba tribunal primeira instancia ne'ebé mak rona uluk prosedimentu juridiku sira.

7. Tribunal Segundu Instancia ka Superior

Tribunál sira hosi instánsia daruak ka iha leten refere ba tribunál sira ne'ebé ezerse jurisdisaun atu julga rekursu ba desizaun tribunál sira hosi instánsia dahuluk, inklui tribunál ikus hosi ninian ajénsia rasik.

8. Kazu Kriminal Foun Inisiadu/Submetidu

Kazu kriminal foun inisiadu/submetidu refere ba númeru prosedimentu kriminal sira ne'ebé mak inisiadu iha tribunal durante periodu reportajen/relatoriu ne'ebé mak seidauk analizadu husi tribunal iha periodu reportajen/relatoriu sira uluk.

9. Kazu Kriminal Julgadu

Kazu kriminal julgadu refere ba total prosedimentu kriminal sira ne'ebé mak finalizadu/konkluidu liu husi desizaun tribunal nian durante periodu relatoriu nian, katak liu husi desizaun kona-ba merit, dezistensia keixa nian, akordu ka rejeisaun tamba razaun formal, no maske desizaun ne'e ikus mai sai konfirmadu ka la'e.

10. Kazu Kriminal Pendente

Kazu kriminal pendente refere ba total prosedimentu kriminal sira ne'ebé mak finalizadu/konkluidu to iha 31 Dezembru

11. Númeru Desizaun Tribunal Sira ne'ebé iha Rekursu

Númeru desizaun tribunal sira ne'ebé iha rekursu refere ba númeru judisial sira ne'ebé mak remata ona hodi rekursu ba tribunal segunda instancia ka tribunal superior.

12. Durasau julgamentu média Tribunal Penal ba instituisaun dahuluk

Períodu tempu ba tribunál instánsia dahuluk julgamentu kriminál mak período tempu ba komunikasaun sosiál, iha loron ne'e, prosedimentu kriminál ba ministériu públiku nia desizaun/prokurador investigasaun sei lori kazu ne'e ba tribunál aas, to'o tempu ne'ebé kazu ne'e remata ka halakon (ezemplu, liu husi ligasaun ho desizaun finál ka transferénsia ba tribunál aas) ba kazu hotu-hotu ne'ebé konsidera durante período relatóriu/reportasaun rasik.

Númeru Prizioneiru ne'ebé Halo Krime

Signifika katak númeru prizioneiru ne'ebé mak detein iha prizaun tu'ir tipu krime ne'ebé mak halo.

- | | |
|-----------------------------------|-------------------------------------|
| 1. Abuzu Seksual Agravada | 12. Prostituisaun Infantil |
| 2. Abuzu Seksual Menor | 13. Tentativa Homicidio |
| 3. Branqueamento do Capital | 14. Tentativa Homicidio Agravado |
| 4. Burla Simples | 15. Tentativa Sexual |
| 5. Falsifikasaun Dokumentus | 16. Trafico Estufapasiente |
| 6. Homicidio | 17. Tráfikude Eksplorasau |
| 7. Homicidio Simples | 18. Transportasaun de Drogas |
| 8. Infantisidio | 19. Violasaun Agravadu |
| 9. Koasaun Seksual | 20. Violasaun Domestica e Tentativa |
| 10. Konsumu Droga Estufapasiente | 21. Violasaun Sexual |
| 11. Korupsaun Pekulatu Kontinuadu | 22. Violasaun Sexual Agravadu |



3

Rezultadu

3.1. Akontesimentu Kriminal

3.1.1 Númeru no Tendénsia Akontesimentu Kriminal

Númeru Akontesimentu Kriminal, 2025

5,843

Iha tinan 2025, PNTL rejista akontesimentu krime hamutuk 5,843.

Númeru Akontesimentu Kriminal, 2022-2025

Figura 2 hatudu katak númeru total akontesimentu kriminal ne'ebé PNTL rejista aumenta husi 4,639 iha tinan 2022 ba 5,671 iha tinan 2023, ka sae 22.2%. Iha tinan 2024, númeru ne'e kontinua aumenta ba 6,256, ne'ebé representa aumentu 10.3% kompara ho tinan 2023. Maibé, iha tinan 2025, total akontesimentu kriminal tun ba 5,843, ka minus 6.6% kompara ho tinan 2024. Maske rejista diminuisaun iha tinan 2025, total akontesimentu kriminal sei aas 26.0% kompara ho tinan 2022.

Figura 2. Total Krime tuir Tinan, 2022–2025




Fontes: Serviço investigação Criminal (SIC), PNTL

Taxa Kriminal, 2022-2025


Figura 3 hatudu katak taxa kriminal iha Timor-Leste atinji 443 kazu ba kada 100,000 populasaun iha tinan 2024. Ida ne'e hatudu katak, iha tinan 2024, ba kada 100,000 populasaun rejista hamutuk 443 akontesimentu kriminal. Se kompara ho tinan sira uluk, taxa kriminal iha 2024 aas liu tinan 2022, 2023 ne'ebé respetivamente rejista 346 kazu, 409 kazu ba kada 100,000 populasaun. Maibé iha tinan 2025, taxa kriminal tun ba 413 kazu ba kada 100,000 populasaun, ne'ebé hatudu diminuisaun kompara ho tinan 2024.

Figura 3. Taxa Kriminal tuir Tinan, 2022-2025



Akontesimentu Kriminal tuir Fulan, 2025

Figura 4. Número Akontesimentu Kriminal Rejistadu iha PNTL tuir Fulan, 2025



Fontes: Serviço investigação Criminal (SIC), PNTL


Iha tinan 2025, akontesimentu kriminal ne'ebé PNTL rejista hatudu fluktuasaun tuir fulan. Figura 4 demonstra katak iha fulan Maiu rejista número ki'ik liu, ho total 421 kazu, enkuantu fulan Outubru rejista número aas liu, ho total 558 kazu. Número kazu aumenta husi 451 iha fulan Agostu ba 517 iha fulan Setembru, no continua sae ba 558 iha fulan Outubru. Hafoin atinji pontu aas iha fulan Outubru, número kazu tun ba 469 iha fulan Novembru no 451 iha fulan Dezembru.

3.1.2 Kazu Krime tur Munisípiu

Númeru Akontesimentu Kriminal tur Munisípiu

Figura 5 hatudu akontesimentu kriminal ne'ebé relata ba PNTL tur munisípiu iha tinan 2025. Munisípiu Dili rejista númeru krime aas liu, hamutuk 2,941 kazu, ne'ebé representa 50.3% husi total akontesimentu kriminal iha tinan 2025. Munisípiu sira seluk ho númeru krime aas mak Baucau ho 455 kazu, Oe-Cusse ho 399 kazu, no Ermera ho 295 kazu. Munisípiu Atauro rejista númeru ki'ik liu, ho total 13 kazu.

Figura 5. Númeru Akontesimentu Kriminal tur Munisípiu, 2025




Fontes: Serviço investigação Criminal (SIC), PNTL

Taxa Kriminal tuir Munisípiu

Figura 6 hatudu taxa kriminal tuir munisípiu iha tinan 2025. Munisípiu Dili rejista taxa kriminal aas liu, ho total 853 kazu ba kada populasaun 100,000. Taxa kriminal relativamente aas mós rejista iha Oe-Cusse ho 471 kazu, Lautém ho 394 kazu, Viqueque ho 338 kazu, no Baucau ho 323 kazu ba kada populasaun 100,000. Iha parte seluk, taxa kriminal ki'ik liu rejista iha Atauro no Manufahi, ida-idak ho total 121 kazu ba kada populasaun 100,000.


Figura 6. Taxa Kriminal tuir Munisípiu, 2025



3.1.3 Krime tuir Tipu

Tipu Krime 10 Aas Liu ne'ebé Rejistadu iha PNTL, 2025

Figura 7. Númeru tuir tipu krime 10 aas liu ne'ebé rejistadu iha PNTL, 2025



Fontes: Serviço investigação Criminal (SIC), PNTL

Figura 7 hatudu tipu krime 10 ne'ebé ass liu, ne'ebé relata ba PNTL iha tinan 2025. Tipu krime ne'ebé rejista númeru aas liu mak Ofensa ba Integridade Fízika Simples, hamutuk 2,056 krime, tuir fali Maus Tratus ba Kónjuje hamutuk 1,159 krime. Tipu krime sira seluk ne'ebé mós rejista númeru relativamente aas mak Ameasa hamutuk 330 krime, Danu Simples hamutuk 244 krime, no Kontrabandu hamutuk 196 kazu. Iha parte seluk, tipu krime sira hanesan Furtu Agravadu, Ofensa ba Integridade Fízika Maka'as, Danu Agravadu, Furtu Simples, no Arma Proibida rejista númeru entre 100 no 151 kazu.

Dadus ne'e hatudu katak krime hasoru integridade fízika no maus tratus ba kónjuje mak domina iha tinan 2025

Tipu Krime 10 Aas Liu ne'ebé Rejistadu iha PCIC, 2025

Tabela 1. Número tuir tipu krime 10 aas liu ne'ebé rejistadu iha PCIC, 2025

Tipu Krime	Total
Burla Simples e Agravada	145
Furto Simples, Agravado e Tentativa	84
Ofensas à integridade física simples e Graves	64
Ameaças	48
Devassa	44
Dano Simples e Agravado, violência	17
Violência doméstica	17
Abuso de Confiança simples e agravado	12
Violação de correspondência ou de telecomunicações	11
Falsificação de Documento	10

Fontes/Sources: Polisia Científica Investigasaun Kriminal (PCIC)

Iha tinan 2025, Polícia Científica de Investigação Criminal — PCIC rejista krime hamutuk 543. Tabela 1 hatudu tipu krime 10 ne'ebé aas liu registadu iha PCIC iha tinan 2025. Tipu krime ne'ebé rejista ho número aas liu mak Burla Simples e Agravada, hamutuk 145 krime, tuir fali Furto Simples, Agravado e Tentativa hamutuk 84 krime, no Ofensas à Integridade Física Simples e Graves hamutuk 64 krime. Tipu kazu sira seluk ne'ebé mós rejista número relativamente aas mak Ameaças hamutuk 48 krime no Devassa hamutuk 44 krime.

Kazu kriminal ne'ebé trata husi Ministériu Públiku

Tabela 2. Número Akontesimentu Kriminal ne'ebé mak Ministériu Públiku Eliminadu tuir Tipu Krime iha Tinan 2023, 2024 no 2025

TIPU KRIME	2023	2024	2025
Omisídiu	56	76	72
Krime Seksual sira	347	335	388
Krime Ofensa Integridade Fizika	2,017	1,744	1,859
Violénsia Doméstika	1,090	1,083	1,139
Krime Ameasa	355	371	332
Arma Proibida sira	123	140	142
Burla	217	256	272
Danu	431	358	326
Furtu	419	359	402
Falsifikasaun	42	51	108
Krime Sira Seluk	1,302	1,732	1,533
	6,399	6,505	6,573

Fontes/Sources: Procurador Geral da República, Ministério Público

Iha tabela 2 hatudu katak akontesimetu kriminal ne'ebé Ministerio Publico Elimina tuir tipu krime iha tinan 2023-2025. Iha Periodu 2025 Ministerio Publico rejistu krime hamutuk 6,573, aumenta 1.0% husi tinan 2024.

Iha periodu 2025 tipu krime ne'ebé Ministerio Publico rejista mak “Krime Ofensa Integridade Fizika” hamutuk 1,859 krime

3.2 Prosesu Justisa Kriminal

3.2.1 Prosesu Kazu Kriminal iha Tribunal

Kazu iha Tribunal Judicial de Primeira Instância de Dili

Tabela 3. Númeru Kazu Krime no Kazu Sivil tuir Desizaun Tribunal Judicial de Primeira Instância de Dili Prosesu Tuir Fulan, 2025

Fulan	Kazu Krime				Kazu Sivil			
	Pendentes Anterior 2024	Entradas	Julgados	Pendentes	Pendentes Anterior 2024	Entradas	Julgados	Pendentes
Janeiro	2606	111	138	2579	586	23	33	576
Fevereiro	2579	88	172	2495	576	28	33	571
Marco	2495	119	180	2434	571	42	19	594
Abril	2434	137	148	2423	594	43	29	608
Maio	2423	156	159	2420	608	54	32	630
Junho	2420	170	180	2410	630	40	33	637
Julho	2410	288	172	2526	637	56	48	645
Agustus	2526	4	4	2526	645	15	14	646
Setembro	2561	117	82	2561	646	21	21	646
Outubro	2561	160	183	2538	646	47	43	650
Novembro	2538	59	636	1961	650	30	30	650
Dezembro	1961	142	308	1795	650	40	43	647
Total		1,551	2,362			439	378	

Fontes/Sources: Tribunal Recurso Timor-Leste

Tabela 3 hatudu númeru kazu krime no kazu sivil ne'ebé Tribunal Judicial de Primeira Instância de Dili prosesu, tuir fulan, durante tinan 2025. Iha tinan ne'e, Tribunal Judicial de Primeira Instância de Dili rejista kazu krime foun hamutuk 1,551 no julga kazu krime hamutuk 2,362. Kompara ho kazu sivil, Tribunal Judicial de Primeira Instância de Dili rejsita kazu foun hamutuk 439 no julga kazu sivil hamutuk 378 iha períodu hanesan.

Tabela 4. Númeru Kazu Krime no Kazu Sivil tuir Desizaun Tribunal Judicial de Primeira Instância de Baucau
Prosesu Tuir Fulan, 2025

Fulan	Kazu Krime				Kazu Sivil			
	Pendientes Anterior 2024	Entradas	Julgados	Pendientes	Pendientes Anterior 2024	Entradas	Julgados	Pendientes
Janeiro	691	72	46	717	145	9	3	151
Fevereiro	717	66	50	733	151	8	4	155
Marco	733	49	60	722	155	8	1	162
Abril	722	97	93	726	162	8	4	166
Maio	726	73	55	744	166	28	2	192
Junho	744	48	45	747	192	18	4	206
Julho	747	121	73	795	206	16	5	217
Agustus	795	0	7	788	217	3	6	214
Setembro	788	44	24	808	214	6	4	216
Outubro	808	71	54	825	216	20	4	232
Novembro	825	58	38	845	232	5	8	229
Dezembro	845	16	62	799	229	10	8	231
Total		715	607			139	53	

Fontes/Sources: Tribunal Recurso Timor-Leste

Tabela 4 hatudu númeru kazu krime no kazu sivil ne'ebé Tribunal Judicial de Primeira Instância de Baucau prosesu, tuir fulan, durante tinan 2025. Iha tinan ne'e, Tribunal Judicial de Primeira Instância de Baucau rejista kazu krime foun hamutuk 715 no julga kazu krime hamutuk 607. Kompara ho kazu sivil, Tribunal Judicial de Primeira Instância de Baucau rejista kazu foun hamutuk 139 no julga kazu sivil hamutuk 53 iha período hanesan.

Kazu iha Tribunal Judicial de Primeira Instância de Suai

Tabela 5. Númeru Kazu Krime no Kazu Sivil tuir Desizaun Tribunal Judicial de Primeira Instância de Suai Prosesu Tuir Fulan, 2025

Fulan	Kazu Krime				Kazu Sivil			
	Pendentes Anterior 2024	Entradas	Julgados	Pendentes	Pendentes Anterior 2024	Entradas	Julgados	Pendentes
Janeiro	366	56	84	338	176	2	3	175
Fevereiro	338	36	65	309	175	4	5	174
Marco	309	68	44	333	174	8	5	177
Abril	333	78	72	339	177	6	2	181
Maio	339	51	43	347	181	10	1	190
Junho	347	11	72	286	190	6	8	188
Julho	286	101	101	286	188	7	8	187
Agustus	286	0	0	286	187	0	9	178
Setembro	286	0	16	270	178	0	4	174
Outubro	270	82	64	288	174	5	9	170
Novembro	288	5	72	221	170	18	14	174
Dezembro	221	59	41	239	174	0	20	154
Total		547	674			66	88	

Fontes/Sources: Tribunal Recurso Timor-Leste

Tabela 5 hatudu númeru kazu krime no kazu sivil ne'ebé Tribunal Judicial de Primeira Instância de Suai prosesu, tuir fulan, durante tinan 2025. Iha tinan ne'e, Tribunal Judicial de Primeira Instância de Suai rejista kazu krime foun hamutuk 547 no julga kazu krime hamutuk 674. Kompara ho kazu sivil, Tribunal Judicial de Primeira Instância de Suai rejista kazu foun hamutuk 66 no julga kazu sivil hamutuk 88 iha período hanesan.

Kazu iha Tribunal Judicial de Primeira Instância de Oecusse

Tabela 6. Númeru Kazu Krime no Kazu Sivil tuir Desizaun Tribunal Judicial de Primeira Instância de Oecusse Prosesu Tuir Fulan, 2025

Fulan	Kazu Krime				Kazu Sivil			
	Pendentes Anterior 2024	Entradas	Julgados	Pendentes	Pendentes Anterior 2024	Entradas	Julgados	Pendentes
Janeiro	329	36	38	327	130	1	0	131
Fevereiro	327	11	31	307	131	0	0	131
Marco	307	88	36	359	131	1	1	131
Abril	359	44	29	374	131	0	1	130
Maiο	374	16	24	366	130	0	4	126
Junho	366	16	22	360	126	0	0	126
Julho	360	66	32	394	126	9	2	133
Agustus	394	0	0	394	133	0	0	133
Setembro	394	9	7	396	133	0	2	131
Outubro	396	56	65	387	131	2	3	130
Novembro	387	24	40	371	130	1	7	124
Dezembro	371	31	40	362	124	3	8	119
Total		397	364			17	28	

Fontes/Sources: Tribunal Recurso Timor-Leste

Tabela 6 hatudu númeru kazu krime no kazu sivil ne'ebé Tribunal Judicial de Primeira Instância de Oecusse prosesu, tuir fulan, durante tinan 2025. Iha tinan ne'e, Tribunal Judicial de Primeira Instância de Oecusse rejista kazu krime foun hamutuk 397 no julga kazu krime hamutuk 364. Kompara ho kazu sivil, Tribunal Judicial de Primeira Instância de Oecusse rejista kazu foun hamutuk 17 no julga kazu sivil hamutuk 28 iha período hanesan.

3.2.2 Movimentu Prizioneirus

Prizaun Becora

Tabela 7. Númeru Prizioneiru tuir tipu krime Prizaun Becora-Dili 2025

Tipu Krime	Total
Abuzu sexual menor	17
Tentativa de Homicídio	17
Violasaun Sexual	12
Furto Agravado	11
Arma Branca	11
Homicidio agravado	10
Koacsaun sexual	9
Violasaun Domestica e Tentative	7
Explorasaun Jogo	6
Sugresto	4
Trafico Humanu	3
Maus Tratas	2
Tipu Sira Seluk	3
Total	112

Fontes/Sources: Prizaun Becora, Munispiu Dili

Iha tinan 2025, Prizaun Becora rejista prizioneiru hamutuk 112. Abuzu seksual ba menor no tentativa omisídiu mak rejista aas liu, ida-idak ho prizioneiru 17. Tuir mai mak violasaun seksual ho 12, no furto agravadu no arma branca, ida-idak ho 11.

Prizaun Gleno-Ermera

Tabela 8. Númeru Prizioneiru tuir tipu krime Prizaun Gleno-Ermera, 2025

Tipu Krime	Condenados	Preventiva	Total
Abuzu sexual de Menor	27	0	27
Homicidio Agravado	20	1	21
Homicidio Simples	13	0	13
Infanticidio	6	0	6
Homicidio Agravado e Arma Branca	3	0	3
Violação Sexual de Menor	3	0	3
Arma Branca e Roubo	2	0	2
Tentativa Hom. E Arma Branca	2	0	2
Violação	2	0	2
Violação Coação Sexual	2	0	2
Violação Sexual	2	0	2
Outros casos	11	4	15
Total	93	5	98

Fontes/Sources: Prizaun Gleno,Munisípiu Ermera

Iha tinan 2025, Prizaun Gleno-Ermera rejista prizioneiru hamutuk 98, ne'ebé kompostu husi 93 kondenadu no 5 preventiva. Abuzu seksuál ba menor rejista aas liu ho 27, tuir mai omisídiu agravadu ho 21 no omisídiu simples ho 13.

Prizaun Suai-Covalima

Tabela 9. Númeru Prizioneiru tuir tipu krime Prizaun Suai-Covalima, 2025

Tipu Krime	Total
Violasaun Sexual	85
Homicidio	28
Dano com Violensia	0
Arma Brancas	1
Fal. Documentos	0
Maus Tratus	1
Burla Agravado	1
Ofenssas Inte. Grave	3
Contra Bandu	2
Infanticide Previsto	0
Total	121

Fontes/Sources: Prizaun Suai, Munisípiu Covalima

Iha tinan 2025, Prizaun Suai-Covalima rejista prizioneiru hamutuk 121. Violasaun seksuál mak tipu krime ne'ebé rejista aas liu ho 85, tuir mai omisídiu ho 28, enkuantu tipu krime seluk rejista númeru entre 0 no 3

3.3 Vítima no Suspeitu

3.3.1 Vítima ba akontesimentu kriminal


Númeru vítima ba akontesimentu, 2025

Iha tinan 2025, númeru vítima ba akontesimentu kriminal ne'ebé rejistadu iha PNTL hamutuk

2,371

Figura 8 hatudu númeru vítima ba akontesimentu kriminal tuir munisípiu iha tinan 2025. Husi total 2,371 vítima ne'ebé rejistadu, Dili rejista númeru vítima aas liu, ho 418 vítima, tuirmai Baucau ho 400 vítima, Oe-Cusse ho 313 vítima, no Lautém ho 257 vítima. Munisípiu sira seluk rejista númeru vítima entre 3 no 177 vítima, ho Atauro mak rejista númeru ki'ik liu, ho 3 vítima.


Figura 8. Númeru vítima tuir Munisípiu, 2025



Fontes: Serviço investigação Criminal (SIC), PNTL

Númeru Vítima tuir Grupu Idade

Figura 9. Númeru vítima tuir grupu idade, 2025



Fontes: Serviço investigação Criminal (SIC), PNTL

Figura 9 apresenta númeru vítima ba akontesimentu kriminal tuir grupu idade iha tinan 2025. Husi total 2,371 vítima ne'ebé rejistadu, grupu idade 20–29 rejista númeru vítima aas liu, ho 650 vítima, ka 27.4% husi total vítima. Grupu idade 30–39 rejista númeru segundo aas liu, ho 544 vítima, tuirmai grupu idade 10–19 ho 369 vítima no grupu idade 40–49 ho 320 vítima.

Iha parte seluk, númeru vítima ki'ik liu rejista iha grupu idade 0–9, ho 74 vítima, no grupu idade 60+ rejista 177 vítima. Dadus ne'e hatudu katak vítima ba akontesimentu kriminal iha tinan 2025 konsentra liu iha grupu idade 20–39, ne'ebé hamutuk rejista 1,194 vítima, ka maizumenus 50.4% husi total vítima.

Númeru Vítima tuir Munisípiu no Grupu Idade

Tabela 10. Númeru Vítima ba Akontesimentu Kriminal tuir Grupu Idade no tuir Munisípiu, 2025

Munisípiu	Grupu Idade							Total
	0-9	10-19	20-29	30-39	40-49	50-59	60+	
Aileu	1	14	33	20	7	5	6	86
Ainaro	4	12	21	12	10	9	10	78
Atauro	0	0	2	1	0	0	0	3
Baucau	5	74	125	78	56	32	30	400
Bobonaro	6	20	53	34	28	17	16	174
Covalima	4	21	37	36	14	17	7	136
Dili	18	53	117	126	47	33	24	418
Ermera	5	19	19	31	15	8	6	103
Lautem	8	39	69	46	20	48	27	257
Manatuto	4	32	28	22	31	12	8	137
Liquica	6	31	48	45	20	15	12	177
Manufahi	1	9	14	19	7	5	3	58
Oecusse	12	42	77	69	57	33	23	313
Viqueque	0	3	7	5	8	3	5	31
Total	74	369	650	544	320	237	177	2,371

Fontes/Sources: Serviço investigação Criminal (SIC), PNTL

Tabela 10 Hatudu katak iha tinan 2025 total númeru vítima ba akontesimentu kriminal tuir grupu idade no tuir Munisípiu hamutuk ema 2.371 vítima, ne'ebé maioria vítima hirak ne'e barak liu iha munisípiu Dili no Baucau.

Husi tabela ne'e mos hatudu katak idade 20-29 no idade 30-39 mak maioria sai hanesan vítima ba akontesementu kriminal, idade 20-29 ho númeru vítima hamutuk 650 no idade 30-39 ho númeru vítima hamutuk 544.

3.3.2 Suspeitu ba Akontesimentu Kriminal


Númeru suspeitu ba akontesimentu kriminal, 2025

Iha tinan 2025, númeru suspeitu ba akontesimentu kriminal ne'ebé rejistadu iha PNTL hamutuk

2,902

Figura 10 apresenta númeru suspeitu ba akontesimentu kriminal ne'ebé rejistadu tuir munisípiu iha tinan 2025. Total suspeitu ne'ebé rejistadu hamutuk 2,902. Munisípiu ho númeru suspeitu aas liu mak Baucau, ho 416 suspeitu, tuir fali Dili ho 412 suspeitu, no Oe-Cusse ho 392 suspeitu. Munisípiu sira seluk ne'ebé rejista númeru relativamente aas mak Bobonaro ho 303, Lautém ho 285, no Manatuto ho 276 suspeitu. Iha parte seluk, númeru suspeitu ki'ik liu rejista iha Atauro ho 8 suspeitu, tuirmai Viqueque ho 20 suspeitu.


Figura 10. Númeru suspeitu tuir Munisípiu, 2025



Fontes: Serviço investigação Criminal (SIC), PNTL

Númeru Suspeitu tuir Grupu Idade

Figura 11. Númeru suspeitu tuir Grupu Idade



Fontes: Serviço investigação Criminal (SIC), PNTL

Figura 11 apresenta númeru suspeitu ba akontesimentu kriminal tuir grupu idade iha tinan 2025. Husi total 2,902 suspeitu, grupu idade 20–29 rejista númeru aas liu, ho 985 suspeitu, ka maizumenus 33.9% husi total suspeitu. Grupu idade 30–39 rejista númeru segundo aas liu, ho 710 suspeitu, tuirmai grupu idade 40–49 ho 447 suspeitu.

Grupu idade 10–19 no 50–59 rejista númeru hanesan, ida-idak ho 299 suspeitu. Enkuantu ne'e, grupu idade 60+ rejista 145 suspeitu, no grupu idade 0–9 rejista númeru ki'ik liu, ho 17 suspeitu. Dadus ne'e hatudu katak suspeitu ba akontesimentu kriminal iha tinan 2025 konsentra liu iha grupu idade 20–39.

Númeru Suspeitu tuir Munisípiu no Grupu Idade

Tabela 11. Númeru Suspeitu ba Akontesimentu Kriminal tuir Grupu Idade no tuir Munisípiu, 2025

Munisípiu	Grupu Idade							Total
	0-9	10-19	20-29	30-39	40-49	50-59	60+	
Aileu	0	5	33	26	13	4	2	83
Ainaro	1	12	35	21	14	7	4	94
Atauro	0	0	2	4	1	1	0	8
Baucau	1	42	134	117	60	42	20	416
Bobonaro	0	31	99	66	56	33	18	303
Covalima	1	24	75	28	24	17	17	186
Dili	5	49	114	111	66	53	14	412
Ermera	0	15	57	45	21	13	6	157
Lautem	4	23	118	72	22	35	11	285
Liquica	0	25	80	24	37	20	7	193
Manatuto	1	33	121	65	28	19	9	276
Manufahi	2	14	15	19	16	8	3	77
Oecusse	2	20	99	110	85	43	33	392
Viqueque	0	6	3	2	4	4	1	20
Total	17	299	985	710	447	299	145	2,902

Fontes/Sources: Serviço investigação Criminal (SIC), PNTL

Tabela 11 apresenta distribuisaun númeru suspeitu ba akontesimentu kriminal tuir munisípiu no grupu idade iha tinan 2025. Tabela ne'e permite hodi hare detallu kona-ba grupu idade ne'ebé domina iha munisípiu ida-idak, no mós kompara kontribuisaun kada munisípiu ba total suspeitu nasional.

Husi total 2,902 suspeitu, grupu idade 20–29 rejista númeru aas liu, ho 985 suspeitu, tuirmai grupu idade 30–39 ho 710 suspeitu. Iha nível munisípiu, Baucau rejista total suspeitu aas liu ho 416 suspeitu, tuirmai Dili ho 412 suspeitu no Oe-Cusse ho 392 suspeitu. Dadus ne'e hatudu katak maioria suspeitu konsentra iha grupu idade 20–39


3.4 Asidentes Trafiku

Númeru asidente trafiku, 2025

Iha tinan 2025, númeru asidente trafiku rejistadu iha PNTL hamutuk **2,224**

Asidente Tráfiku tuir Fulan, 2025

Figura 12. Númeru asidente tráfiku tuir fulan, 2025




Fontes: Departamento Acidente Trafico, PNTL

Durante tinan 2025, Polísia Nasionál Timor-Leste (PNTL) liu husi Departamento Asidente Trafico rejista asidente tráfiku hamutuk 2,224. Númeru asidente tráfiku tuir fulan hatudu flutuasaun entre 154 no 214 asidente. Setembru rejista númeru aas liu, ho 214 asidente, tuir mai, Maio ho 203 asidente. Fevereiru rejista númeru ki'ik liu, ho 154 asidente. Depois atinji pontu aas liu iha Setembru, númeru asidente tun gradualmente, husi 196 iha Outubru ba 172 iha Dezembru.

Asidente Tráfiku tuir Munisípiu, 2025

Figura 13. Númeru asidente tráfiku tuir munisípiu, 2025



Fontes: Departamento Acidente Trafico, PNTL

Durante tinan 2025, Polísia Nasionál Timor-Leste (PNTL) rejista asidente tráfiku hamutuk 2,224 iha nasaun tomak. Munisípiu Dili rejista númeru asidente tráfiku aas liu, ho 1,297 asidente, ka 58.3% husi total. Tuir mai mak Liquiçá ho 216 asidente (9.7%) no Baucau ho 160 asidente (7.2%). Munisípiu tolu ne'e, hamutuk, kontribui 75.2% husi total asidente tráfiku rejistadu durante tinan 2025.

Asidente Tráfiku tuir Tinan 2022-2025

Figura 14. Número asidente tráfico tuir tinan, 2022-2025




Figura 14 hatudu katak número asidente tráfico aumenta husi 1,911 iha tinan 2022 ba 1,964 iha tinan 2023. Iha tinan 2024, número ne'e aumenta ba 2,218, no iha tinan 2025 relativamente estável ho 2,224 asidente. Entre 2022 no 2025, número asidente tráfico aumenta 16.4%.

Resultadu Asidente Tráfiku

Tabela 12. Número Asidente ne'ebé Rezulta Mate, Kanek Todan no Kanek Kman tuir Fulan no Tipu Asidente iha Tinan 2025

Fulan	Motor			Kareta			Lao Ain no Bisikleta			Total
	Mate	Kanek Kaman	Kanek Todan	Mate	Kanek Kaman	Kanek Todan	Mate	Kanek Kaman	Kanek Todan	
Janeiru	1	22	1	3	143	25	4	70	11	179
Fevereiru	1	17	2	4	124	19	2	41	10	154
Marsu	0	2	0	3	153	27	1	36	5	191
Abril	0	5	1	3	148	14	4	28	7	178
Maio	0	7	1	4	169	20	1	41	8	203
Junhu	0	6	0	7	162	25	3	25	10	181
Jullu	1	9	2	3	179	27	4	46	13	194
Agustu	0	4	1	9	175	16	2	46	7	180
Setembru	1	12	3	5	212	18	6	71	17	214
Outubru	1	13	2	7	154	28	6	38	12	196
Novembru	0	21	0	8	170	30	3	46	15	182
Dezembru	0	9	1	9	140	28	8	81	5	172
Total	5	127	14	65	1,929	277	44	569	120	2,224

Fontes: Departamento Acidente Trafico, PNTL

3.5 Rekursu Institusionál ba Justisa no Seguransa

Tabela 13. Númeru Polisia Nasional Timor-Leste tuir kolokasaun no tuir Seksu, 2025

COMANDO MUNISIPIU	Mane	Feto	Total
Centro de Formasaun de Polisia	53	14	67
Centro Geral	387	101	488
Comando Municipio de Aileu	97	24	121
Comando Municipio de Ainaro	87	20	107
Comando Municipio de Atauro	13	1	14
Comando Municipio de Baucau	150	51	201
Comando Municipio de Bobonaro	122	35	157
Comando Municipio de Covalima	134	28	162
Comando Municipio de Dili	399	84	483
Comando Municipio de Ermera	117	25	142
Comando Municipio de Lautem	106	27	133
Comando Municipio de Liquica	97	31	128
Comando Municipio de Manatutu	89	23	112
Comando Municipio de Manufahi	111	15	126
Comando Municipio de Oecusse	93	33	126
Comando Municipio de Viqueque	116	24	140
Serviso de Migrasaun	40	16	56
Unidade de Patrulhamento de Fronteira	312	15	327
Unidade Espesial de Polisia	687	24	711
Unidade Polisia Maritima	170	10	180
Total	3,380	601	3,981

Fontes/Sources: Departamento de Pessoal, PNTL



INSTITUTO NACIONAL DE ESTATÍSTICA
TIMOR-LESTE, I.P.

Instituto Nacional de Estatística de Timor-Leste, I.P.
Rua de Caicoli, Dili, PO Box 10
Telephone: +670 331148